


欽定儀禮義疏

四十八




內閣文庫			
三			漢
二		二	書
函	四	五	
一	三	五	
架	冊	號	類

內閣文庫			
番號	漢	1255	
冊數		43	(43)
函號		30	2



欽定儀禮義疏卷第四

特牲饋食禮




西塾內

主人取筵于西塾執之

有司執事

若不吉則遠日如初

淺草文庫



鄭以子姓為子之所生。敖以子姓為主人之子。一也。敖氏謂子姓兄弟當以親疏為先後。據經先子姓後兄弟。其親疎先後已判然矣。據下墓時舉奠入室東面。長兄弟對之西面。其次第亦即此經先子姓後兄弟之意耳。故分載之。據士冠禮為期。主人立于門東。兄弟在其南。少退則此子姓兄弟之位亦當少東。又彼經宰亦少退則皆後于主人也。儀禮贊命皆自右。此經獨言宰自主人之左贊命。注謂為神求變也。敖氏謂自左似

無他義。蓋字誤耳。左當作右。其說勝于鄭。從筮人示卦言還不言進。則亦在席上轉身示主人也。說見士冠禮圖筮席西面而筮人南鄉。即席。準鄉飲酒。主人即席之節也。經言長占。則亦占者三人。其長先占。乃以次及之。與旅占之義互見也。筮儀與士冠禮互見。為義今第即見于經者。圖之。其餘可參觀而得焉。



于登者國之其猶可參贖而無焉


古文義在見也... 國無臣民為義...

言言身古... 亦古者三人其義...

西而而益入南... 應效配主人...


言對不言... 應亦在... 主人也...

無外義... 蓋亦... 當亦... 其... 于... 廣...



經言宗人擯辭祝許諾致命。是祝釋主人之辭。而祝受其辭。遂許諾而致命于尸也。注謂宗人祝皆西面受命。東面釋之。則是宗人先西面受命于主人。然後東鄉祝釋之。祝西面先受命于宗人。然後東面釋辭于尸。則注所謂皆者。皆宗人祝耳。由是推之。則宗人擯辭當在主人之南。少退。如士冠禮宰自右少退之節也。尸許諾。注云其許。宗人受于祝而告主人。則尸許諾後。又有祝告宗人。宗人受之以告主人之節。今如其說詳載于


圖



禮節圖四 特牲饋食禮

受其辭遂於諸而致辭于尸也注謂示以祝辭者受命東面釋之則是宗人先西面受命于尸然後東面釋辭于尸也注所謂皆者此皆宗人祝耳由是推之則宗人預辭者亦主人之兩少選如士冠禮賓有少選之節也尸祝其法云其許宗人受于祝而告主人則尸許辭後又有攝宗人受之以告主人之節今如

視 濯 視



爲

期

之

圖


衆賓

賓即位堂下如外位

主人即位堂下如外位

子姓

洗



宗人 立子賓 西北東 西南南上

衆賓 答主人再拜

賓 即位門內 東南北上 答主人再拜

宗人 請期告 東

宗人 視牲

宗人 視牲

宗人 視牲

案此言陳鼎于門外北面北上有鼎未明其爲門外何方也注以爲北面當門據下經言主人視殺于門外東方又云亨于門外東方西面北上記又云牲爨在門外東南魚腊爨在其南據士虞禮爨在門右東面北上鼎在其東北面北上又少牢雍爨在門東南北上三鼎在羊鑊之西二鼎在豕鑊之西又曰陳鼎于廟門外東方北面北上則鼎爨皆共設于一方且不甚遠此亦應如之爨在門東南則鼎亦在門東南可知安有爨在門東

南鼎乃設之當門與爨不相統之理是當以敖氏東方之說爲正。鼎未實而先有甌者雖云鼎不宜塵蓋亦爲告絜者將舉之也。三鼎皆然故增皆字以明之。饔爨在西堂據下經說也。說詳下圖又據敖氏以士虞禮側亨爲亨者此亨當亦指亨者言以經無文闕之。士虞記言

陳牲于廟門外北首西上寢右注兼牲腊言之。敖謂彼腊不在於故腊與豕序則此用於腊不與豕序也。又彼注云寢右當升左胖此則當升右胖故寢左也且陳鼎


之下卽云於在其南牲在其西則俱在鼎之南也但牲腊皆在鼎南二以並則廣于鼎矣當是鼎介于牲獸之間故牲腊俱得蒙鼎南之文耳。壺禁在東序以士喪禮。篋在西序下準之則當在半以北近序之地蓋將尊于室戶之西故近其所陳之記言覆兩壺則亦覆之於禁之上必覆之者以新漑且未實也。豆籩鉶在東房敖謂在東房之東墉下南上豆二以並在南籩次之鉶又次之蓋自南而放于北又記言賓與長兄弟之薦

在東房其餘在東堂。敖以其餘爲次賓次兄弟而下。及內兄弟。公有司。私臣則賓及長兄弟以上薦俱在房。敖謂在銅北以次陳之。不勝載也。今以一豆籩槩之。其東堂之薦則據敖說備載云。房中有洗篚則據上經言之。洗在西北隅。說見士冠禮。篚在洗東則敖氏說也。几席兩敦在西堂。几席神所憑當在西兩敦次之。兩敦黍稷準下席前之次。則黍又在西。主人及子姓兄弟卽位于門東如初。蓋指筮日之位言也。賓卽位門西而不

言如初者。筮日時無賓。惟有司羣執事在西方。此有司羣執事不在賓中。敖所謂賓位于此。則公臣位于他所。如下宗人祝在賓西北。記公有司門西北面東上。私臣門東北面西上。是也。今依經列之餘從其畧。升視不言銅敦几席。可知也。又經第言賓主人出而不及其他。然據宗人已視牲于門外。則亦俱出可知。故依經並畧之。牲在鼎南。主人在門東。宗人又在主人之西南。視牲及鼎則似應北面告矣。敖氏云告皆東北面者。蓋亦

以賓在西方之故。則宗人當介賓主之間。少南。東北面。鄉主人告之。請期。教謂東面。則專鄉主人者。以賓必待。專告。請時不必。鄉賓也。又據鄭謂既得期。西北面告。有司。教謂西北面告賓。東北面告兄弟。則宗人之立。在賓之東南。兄弟之西南也。此均在廟門外。又言賓出拜送。故教以外門言之。注東房當夾北說之誤。案附經詳之。又下獻內兄弟房中。有尊旅酬兩階。下各有壺。以皆行禮時設之。故不在此節內。

亨 饌 即



爲宗婦也。敖氏謂祝主人主婦賓長兄弟之豆籩皆相繼陳于房中。劔北其說是也。經無文補之。經言執事之俎而未詳其目。敖氏謂東列俎爲上。西列祝俎爲上。內兄弟之俎次于兄弟。若然則并殺烝亦在是。不勝載。今依經爲圖而存其說以備考。又執事之俎自阼俎而下。賈疏以爲不升于鼎則自爨載之。入門而設于是也。今依經闕之。士虞禮及少牢禮尸盥匱槃巾皆在西。此經言門內之右。注云據尸入言。則門內之東


也。據賈疏謂尸尊不就盥。槃匱巾等鄉西就之。是注尸謂侍盥者執其器以就之也。圖尸盥槃匱巾在門東者以此。佐食北面立于中庭。敖謂東西之中。其南則三分庭一在南是也。注謂立于宗人之西。疏據士喪禮宗人西階前北面言之。謂此宗人當在阼階前北面故佐食在其西。不知士喪宗人當詔主人。故不遠于主人。此宗人無詔主人之事。何必在阼階。且宗人位本在賓西。北自定位以下。未聞有易位之文。疏說不敢信也。其言

面告具。則約請期之節載之。經言羣執事即位如初。據下記公有司門西北面東上。私臣門東北面西上。卽其位也。言如初。則視濯時已在位矣。主人及賓兄弟卽位而不言子姓。入卽位。并不言兄弟。可知也。補之。楊氏圖自祝筵几于室中。至佐食立于中庭。並入下圖。依朱子本入此節。曰亨饌卽位。蓋節楊氏說以載之。


設

饌

饗



經言及祝升。敖氏以經云及祝則先升。其說是也。又祭必致絜據鄭所引少牢禮。主人與祝皆盥而後升。此經不言盥。文省耳補之。少牢。祝入戶南面。此經無文。第祝時始云祝在左。敖所謂鄉者南面益信也。據士虞禮。祝酌醴遂南面命啟會。又此下筵祝南面。敖謂鄉所立之西。則南面近北墉少西也。一主婦盥于房中北面。準士昏禮也。據經主婦薦兩豆及兩敦。皆自取之。房中及東堂而入設之。無贊則往返甚繁。中饋之責其



重如此。或云辟內子。或云士禮禮殺。或云器少可自爲。今並依經載之以見義焉。宗人位在賓之西北。公有司私臣凡羣執事皆在其東南。故遣之以東南面爲斷。敖謂賓主人亦宗人詔之。則亦東南面也。據經主人與賓長並爲右。佐食爲主人之左。執事爲賓長之左。但鼎三而右止兩人。故敖氏以賓長在魚鼎之右。衆賓長在腊鼎之右言之。蓋經于魚腊鼎第以賓長爲說。故以一賓長當之。其說極確。至云在左者亦衆賓。豈執事亦

得稱衆賓。故經第言執事而不言衆賓。與圖曰執事依經文也。賈疏謂右人奠入時在鼎前。下經云鼎西面錯鼎在門外本北面。扁貫鼎耳北面以東爲右。右人在東。入門在前。則自東而北。鼎亦橫舉。其右在北。則北面者亦轉而西面。于階前西面之錯爲便。舉鼎之法莫備于此。故就其說圖之。宗人階前南面。當直豕鼎少北。以便指揮。贊者面位無文。據經云錯俎加七。俎直設。則錯時當俎西東面。加七東枋。則在鼎東西面也。敖氏謂

贊者三人。其二人各合執二俎。一人兼執三七。其或時則分任之也。且可知在鼎者。惟尸俎之實耳。今並載之。而不敢畧。俎面鄉無文。據少牢西肆。則此亦順鼎西肆。便執者東面執其下端也。其所俎在阼階西亦西肆。如三俎者亦便其執。下端升自西階而橫設于席前也。據下有從肝從燔。則亦如士虞禮有肝俎燔俎在內西塾上。上圖不載者。因此節始升俎。以類從也。主人兩再拜稽首。一為食具。一為祝已。其面向無文。是當以

北面為正。



命按祭而不言所命。鄭注以爲命尸。敖氏以爲命佐食。準士虞及少牢。則敖說爲正。士虞及少牢禮皆言爾黍。此兼言稷。則兩敦並在席矣。故敖氏以爲疑。今姑依經文。而存其說以明之。太羹清本在菝豆之北。未設菝時。而去醯。菝蓋南當正豆。其間實虛四豆地也。乃食舉。敖繼公以食爲食食。李如圭以食舉爲肺脊。賈公彥則以食爲食肺。舉爲正脊。案下言三飯。則乃食義。當從敖說也。舉幹不言授。于尸受明之也。下三舉。依經以如字該之。庶羞鄭以爲醢炙。菝醢。敖氏謂兩菝兩醢。案腳臙臙皆太牢之陪鼎。士祭特牲。安得用之。其設之。則敖氏所謂清之南醢之北也。主人洗角不言降。敖氏所謂于升見之。祝曰送爵。皇尸卒爵。敖謂祝釋辭。當東面席前之東從之。

主人有進有退者。蓋主人室中之位有三。近東墻西面者。其常位也。尸西北面者。拜位也。席前西面者。進立之位也。退則復其西面常位耳。士虞禮。酢主人有薦俎從俎。此無之者。士虞禮無夫婦致爵之節。故設于醋時。此則于致爵時也。尸受接祭。主人主婦亦得祭者。其尊即次于尸也。祭在豆間。此無豆。其教氏所謂祭置于地與。少牢祝嘏主人。故有祝嘏之位。此尸親嘏則無位也。士止一祝在室。今又以籩受嗇于房。則主出戶時。祝即從之入房。以虛籩受之也。今依經闕之。其受則南北面也。

筵祝南面。敖謂有司為之。又謂筵祝蓋于其立處之

西。則近北墉處也。

說見上。迎尺。

酌不言易爵洗。承尸尊也。士

虞少牢。祝坐受爵。此不言坐。敖氏所謂知之可知也。祝

拜于席上。以少牢禮準之也。席上則南面。主人則

其位西面。降于尺。設菹醢俎。肝從。經俱不言其人。今


作主婦設菹醢。佐食設俎。賓長以肝從者。從注及疏說。

賓長說見亞獻疏。


佐食在執事及私臣中。其薦在東堂。其俎在

階閒。此獻而無薦俎者。佐食卑。不設薦俎于室。據下記

佐食于旅。齒于兄弟。則當于旅時設之。



亞 獻 三 獻 圖



大定儀禮卷之九

卷之九

禮節圖四

特牲饋食禮

三

金定儀禮卷之九

卷之九


三

案主婦不下堂。其爵取諸內篚而洗于北洗也。補之。

初獻亞獻俱酢。及獻祝佐食。三獻獨無者。以戶爵不舉。必作止爵後獻之也。故不贅。主人獻用角。主婦獻用爵。敖氏謂主人有爲爲之。或卽鄭氏禫月吉祭說。故易角爲爵。亦猶士虞禮廢爵足爵之別與。至少牢夾拜。此不夾拜。則敖氏所謂辟內子之禮也。拜送北面。則尸卒爵。主婦亦應北面拜。經合受爵。卒爵之拜。並于如初。中括之。其獻爵則筵前西面也。上兩豆兩斝兩鉶。俱

主婦自取而設之。此兩籩有宗婦贊之。固以見士大夫多少之別。或亦重輕之等與。曲禮授坐不立。宗婦坐。則主婦亦坐可知。尸受籩祭。受燔俎。羞燔者受燔加于所。俱言受。不言授。亦授可知。如經文載之。其義自明。故不敢增也。羞燔者加于所。出。不言反俎。可知也。其亦反諸內西塾。與以經不無闕之。合賓長三獻爲圖。說見士虞。燔從亦長兄弟案附經詳之。

主婦人主



御只傳刑事政 卷四

三

致

爵

醋

圖



經言席于戶內則統于戶

故氏謂設席于主人所立

之南蓋近戶也

主婦不降洗則取爵內篚而洗于北

洗也又致爵不言面向準之士冠禮當東北面主人受

爵則西南面據敖氏說則主人拜于席據鄭氏說則主

婦北面拜送也宗婦一人贊四豆籩是當有往反之

節以經無文闕之豆籩之設當與尸同尸席東面故

菹南醢北籩在南棗西栗東主人席西面則當菹北醢


南籩在其北棗東栗西主婦席南面則當菹西醢東籩

在其西。棗北。栗南也。主人席前設豆。東面。設籩。南面。則依教說載之。佐食設俎。則注說也。宗人贊祭。尊主人也。其位當筵前東面而近俎。賓長以肝從。長兄弟以燔從。案見經下。主人致爵。言降不言升。可知主婦拜受于席。及席于北堂。皆教說也。拜于席。則亦南面。蓋丈夫房內西面。婦人房內南面。禮之正也。案附經詳之宗婦薦豆。俎從。獻如主人。則亦佐食。設俎。賓長羞肝。長兄弟羞燔。及祭薦祭肺。祭酒祭肝。及燔諸節。依經以如主人儀。

括之。但無贊耳。



圖之醋獻爵止作奠



禮節圖四 特牲饋食禮

禮節圖四 特牲饋食禮

三

舊說云賓作止爵。至酢于主人。凡六爵圖。似近于兀。今易之。前尸止爵。故未醋賓。賓亦未獻祝。佐食及室中事畢。則賓主之道行。故因尸爵以致之。是楊氏所謂六爵也。尸酢賓。當如主人。有北面拜受。及卒爵拜尸答拜之節。賓獻祝。亦當有送爵受爵。卒爵祭薦。祭酒祭燔。及拜之節。佐食之禮。雖畧。亦當有授受。及拜諸節。以經言皆如初。則亦從其畧云。

獻賓及眾賓

尊尊




禮記卷五 特牲饋食禮

主人拜賓如初。注謂主人再拜。賓答再拜。三拜衆賓。衆賓皆答再拜。蓋本上視濯經文言之。所謂如初也。敖氏謂衆賓答一拜。言再拜者誤。是又本鄉飲酒禮經文以正之也。今圖依經文。而存兩說以備參。鄉飲酒禮。主人南面盥洗。賓進東北面辭。主人奠爵于篚。西南面對。案詳鄉飲酒圖。今依經載之。賓致爵後。酬酢皆在階下。此獻賓及兄弟獨在西階上者。以經云獻獻皆在堂。惟燕禮士旅食最卑。故就門西之位獻之。餘則在堂也。且下

經獻私臣尚在堂上。而況獻賓及兄弟乎。主獻於堂。薦俎注謂公有司設之。敖氏以為私臣。案公有司賓屬私臣主屬。此獻賓故以其屬為之。賈疏據少牢司士設俎。謂此即公有司在門西者。則鄭說是也。經言薦脯醢。醢豆實。脯籩實。據此則豆籩俱在矣。賓脯醢並祭。而經止言祭豆。故敖氏謂豆亦兼籩言。蓋籩本竹豆。則亦可名豆也。依經載之。經第言薦設而未詳其地。今載之階上者。因下言執祭以降知之也。其西南面獻爵。東

北面受爵。說詳鄉飲酒。至經言賓北面拜。主人在右答拜。則主人亦北面。而賓在其左也。衆賓升拜受爵。坐祭及洗。案詳下圖。與賓同。立飲及薦俎設于位辯。主人備答拜。此與賓異。故經不言如。今並詳載之。據記言公有司獻次衆賓。又言宗人獻與旅。齒于衆賓。敖氏謂宗人亦公有司。則與衆賓皆被脅。而薦在東堂。其位判門西北面也。楊氏圖云。獻賓及衆賓宗人公有司。不知宗人即公有司。而附于衆賓之末者。故依朱子易之。

主人酬賓圖




欽定儀禮通考 卷五 禮節圖四 特牲饋食禮

少牢無堂下尊。此堂下設兩尊。敖所謂別于大夫也。
 又經西方尊。言如東方。所謂如者。蓋西階西也。故依敖
 說載之。加勺南枋。則北面酌也。其主人洗觶南面。賓東
 北面辭。主人西南面對。皆準之士冠禮。至云主人北面
 酬賓。賓在左。則主人在右。賓亦北面並立可知。對必
 奠爵。奠觶。薦左亦應復位北面。文省耳。並補之。西面
 坐取觶。據賈疏以下還東面拜例之也。今從之。經主
 人西面。注謂賓所答拜之東北。鄉賓位。蓋賓位在西階

西南。據注主人酬賓。賓在左。其處所俱在賓位之東南
 也。賓坐取觶。疏謂薦東西面。蓋賓拜處本在其位。故西
 面鄉席取觶。還就其位東面拜也。揖復位。敖謂主人
 復阼階下西面位。蓋賓還東面則已在位。不必重言復
 位也。主人復位。亦當西面鄉賓揖。乃東面還復西面位

此言獻長兄弟。故用爵。其在阼階上。如賓之在西階上。亦洗。及獻者東南面。受者西北面。兄弟拜于左。主人拜于右。當與獻賓同。注謂亦有薦胥設于位。疏謂初薦脯醢于阼階上。祭訖。乃降設于下位。是也。其衆兄弟如衆賓。則設于其位也。今依經以如字括之。其設薦俎當依注私臣說。敖以為公有司者誤。說詳獻賓今依經闕之。

下記私臣獻次兄弟。升受降飲。又少牢主人降洗。升獻私人于阼階上。拜于下。升受。主人答其長。乃降坐。祭立飲。不拜既爵。今並詳之。其薦俎說詳上。



[Faded text and diagrams, likely bleed-through from the reverse side of the page. Some faint characters are visible, such as '圖', '爵', and '算'.]

案旅酬自賓取觶酬長兄弟始無算爵自賓弟子兄弟

弟子各舉觶始今合兄弟弟子舉觶于長兄弟三節為

一圖者蓋舉觶亦旅酬之始其祭胥庶羞作止爵又旅

酬時並行之節故以旅酬及無算爵槩之旅酬之節三

兄弟弟子舉觶于長兄弟一也賓取主人所奠觶酬長

兄弟及長兄弟酬眾賓眾賓及眾兄弟交錯以辯二也

長兄弟取兄弟弟子所奠觶酬賓如賓酬兄弟之儀則


亦有賓酬眾兄弟眾兄弟及眾賓交錯諸節三也經第

言無算爵其節未詳賓弟子兄弟弟子之觶特始事耳然亦無算爵節內事則無算爵之節凡二也舉此五節分行各載之蓋庶幾其不混云兄弟弟子舉觶于長兄弟位本在阼階因此觶爲旅酬之始特借中庭列之其弟子舉觶爲無算爵之始並附列于末庶閱者便焉經言賓酌于其尊今依注酌于長兄弟之尊而不干賓尊者疏所謂自飲酌已尊酬人酌彼尊也從之賓長既酌東面送觶也長兄弟應西面迓受蓋近立位相

授受也賓弟子兄弟弟子凡三復位據疏則復初位者卽中庭舉觶之位也舉觶者復位及弟子復其位則弟子本位也其位當各在其長之南蓋東西面之末位耳經言舉觶者復位答拜又曰長皆揖其弟子弟子皆復其位非復也蓋舉觶者既復位又違其位答拜故長仍揖之復位耳宗人告祭脅當在賓西北本位詔之記宗人獻與旅齒于衆賓又佐食于旅齒于兄弟今並載之宗人公有司故門西北面佐食私臣故門東

主人戲

四



北面

金定傳亦書此


卷四

三



記言尊兩壺于房中西墻下南上。內賓立于其北。東面南上。宗婦北堂東面北上。注謂中房而北為北堂。所謂房中半以北也。一南上。一北上。明不相統。經兩壺。則內賓宗婦各一壺矣。敖謂南上者。以其先酌南者。又疏謂內賓為姑姊妹。宗婦為族人之婦。則尊內賓而上之可知。壺在西墻而內賓立于其北。則尊于南壁為近。與西北之洗籠相值。主婦南面于北堂。則注所謂宗婦統于主婦也。經第言主人獻內兄弟。注以兄

圖 奠 舉 嗣



禮記卷之四

祭義

禮節圖四

特牲饋食禮


四

弟為內賓宗婦則當辯獻之。酢則惟于長耳。旅酬之節當自主婦始。其儀與賓及兄弟等。附說及案以經年並闕之。



禮記卷之四

三

經先言嗣舉奠繼第言舉奠而不言嗣蓋即以舉奠名嗣也。舊圖或言嗣。或兼言嗣舉奠俱未協。今並依經文改舉奠。嗣位無明文。據上子姓位在主人後則阼階東南也。言進則離其北面拜位。進筵前受之。乃復位拜也。曰坐飲卒殫。此敖所謂亦異其室中之禮。經凡三復位。其二則室中拜位。其一則阼階東南立位也。今分別載之。主人尚室中西面者。以獻內兄弟後。已復位也。



主人尚室中西面



奠先洗
 奠先洗
 奠先洗

舉奠立長兄弟之上。教據下舉奠入室而知是也。

兩養拜其面向無文。據酌主人上養卽位坐答拜。則亦

席上各如其面也。主人受爵乃言上養卽位。注言授


爵戶內。則入戶卽東面授。主人西面拜後。遂迓受也。

將祝主人西面再拜。則拜皆西面。注引舊說謂主人

北面授下養爵。則上養可知。教謂酌下養亦東面非也。

祝釋辭。準饗及祝例亦西面在主人之左。

徹 俎 改 設 圖



禮部圖四 待牲饋食禮

禮部圖四 待牲饋食禮


士虞禮徹祝與贊並爲之。此祝命徹卽出立戶西。惟佐食及宗婦徹之。其禮之異者與。士虞禮祝薦席徹入于房。此第言祝徹豆籩而不言席。且主人阼席在室。亦應與阼俎並徹也。主婦薦俎本在房。經亦曰徹則不復置于席前。其席亦應並徹。舉奠暮後。其簋鉶亦當于此徹之也。以經無文並闕之。暮時言分簋。此又言敦蓋席前本有黍稷二敦。上注旣以所分者爲黍敦。則此爲稷敦也。尊本在室曰納者。謂由東北而置之西北。

猶之納耳。二尊一爲酒一爲立酒。敖氏知此爲酒尊者。以立酒本不用也。堂下俎如賓衆賓兄弟有司羣執事皆是賓固歸俎。衆亦自徹。要知皆徹而出也。今第依經載之。不敢多贅。舊說以此爲陽厭。今依敖氏本改之。


後告絜據士喪禮爨在門西俎匕在西塾西則爨北也。此亦宜然。故合甑甗匕敦各置之所概爨之北云。經先言饌豆籩筐于房中。放于西方。又云改饌豆籩于房中南面。如饋之設。則其初本自東墉下向西陳之。後言改饌南面而不言其所。則亦東墉下南面放于西。如饋之設。則亦韭菹在南。醢醢在北。葵菹在北。羸醢在南也。今以一豆概之。其鉶在豆西。籩在鉶南。其設蓋亦如饋云。經初言勺爵觚觶實于筐。此東堂下所概者也。又

言饌豆籩筐于房中。後改饌房中不言筐。惟洗東則有筐。又據下主婦獻尸及祝佐食。皆有司贊者取于下筐以授之。又據獻祝主婦洗于房中。獻佐食畢。主婦受爵入于房。注謂奠于內筐。則有內筐。亦有內洗。改饌不言筐。蓋省文耳。但內筐無爵盛勺爵觚之筐。則在南洗之西也。又下士盥舉鼎。敖氏謂士盥于外。則門外又有洗矣。又正祭時上佐食取羊鉶。下佐食取豕鉶。皆在房中。則房中有鉶。準之特牲。則鉶次于正豆也。今合洗筐及

銅並補之。宗人告備。經不言面。以特牲告濯具準之。彼在主人之西南。故東北鄉主人此在主人之東南。則當西北面。告後言退。則違其本位進而告之。告畢乃復位也。特牲言宗人告絜而不言概及陳。此言概不言陳及告絜。蓋互文見義。注所謂概者。陳之後告絜也。今依注補入。大夫階五等考工記賈疏說也。士冠禮詳之。




特牲有賓。此主人卽位不言賓。據下宗人洗有執主人則亦有賓。經文省耳。又特牲言士盥出則盥于門內之洗可知。此言士盥舉鼎入則盥在門外。故敖氏以爲盥于外。盥于外則門外亦有洗明矣。今並補。特牲主賓皆親舉鼎及七。此經言主人迎鼎則主人不舉可知。且據經鼎俎入設之後始言遣賓盥則賓亦不舉。又可知。但經言遣賓就主人皆盥。長枵則似主人亦七矣。注乃第言賓次賓而不言主人者。蓋據經言主人先入與



特牲宗人執畢先入之義同。彼入當阼階南面。注謂執畢導之。此注言主人親臨之。則亦當阼階前南面以蒞之。而不杝如宗人。其執畢與否。則經無可考。闕之。特牲宗人位在賓西北。故遣士盥時東南面命之。此宗人在主人東南。據下有司徹主人南面三拜衆賓于門東。則賓亦在衆賓中。皆位于門東北面。宗人當阼階前南面命之也。右七西面。左載北面。其說士虞禮圖詳之。至經言上利升羊。載右胖。下利升豕。司士升魚。腊膚。敖

以佐食為賓。司士為私人。是也。今依經載之。心舌二以並羊左而豕右。亦敖氏說。經佐食。遷肝俎。餘不言。則肝俎初當序。後遷在阼階西也。注以兩端及上。載之體次。疏謂肩膊在上端。膊胙在下端。敖氏所謂前脊脅肺在中。蓋亦以體次言而不及腸胃。敖氏謂肺下不言腸胃。可知。又以上為在右是也。又下經言腊亦進下。又言膚亦橫載。亦者。亦羊豕骨體也。敖氏以下為諸體之下。謂橫載之以下鄉神。蓋俎橫設于席前。以右

爲上。左爲下。則肩臂臑當橫設于右端。膊胛當橫設于左端。其在中者。則由脊而肺而腸胃而脅。皆自右而左橫設之。所謂體次也。



禮節圖四 少牢饋食禮

神

楊圖以此為陰厭。今據敖氏說易之。說詳士虞禮圖。疏云。非

菹在南。醢醢在北。次東葵菹。菹在北。羸醢在南。則四豆在席前。形如四隅。羊豕又在豆東。羊南豕北。魚腊又在羊豕東。魚南腊北。皆二以並。膚則特于北也。初二敦黍在羊南。稷在魚南。又二敦黍在稷南。稷在黍南。則四敦在俎南。亦形如四隅。二以並。其西去席實空。二鉶之地。與特牲禮同。彼未迎尸。先設兩鉶于豆南。在二敦之西。祝奠于鉶南。則與敦不相當也。此經設鉶在迎尸之後。

則未迎尸之前。鉶尚未設。故祝奠不言鉶南。則其奠北去菹菹。亦空兩鉶之地。以待設鉶也。俎皆橫設于席前。上右。謂前端在右也。故圖之諸俎俱右首。此俎亦橫設。而骨體乃縮于席前。且下鄉席者。蓋凡骨體皆縮載于俎。設之則橫。此橫載于俎。故設之獨直也。下鄉尸者。經所謂進下也。魚進腴不進下。故下不鄉席。縮載不橫載。故席前獨橫。經云敦皆南首。蓋以龜首言。圖不及繪。龜原圖黍稷字皆南首。雖不甚確。亦存其意而已。從

之。國風同。... 障如... 障如...

Faint bleed-through text from the reverse side of the page.


房

室

洗筐


房

豆



上佐食 取二羊飼于房中
 下佐食 取二豕飼于房中

主人之室
 主人之室




案尸次說上特牲圖詳之。此大夫禮門外亦應有次。所謂祝就次。尸出次。則大夫士禮所並有也。今補。祝入門右。據注以辟尸盥。則必尸至于階。尸從其後延之也。敖氏謂上云尸入。祝從。則祝固已入矣。此復云祝先入者。明其先于主人。則所謂祝從及祝先入者。蓋一事而兩言之。以為主人從入之節。今合三者一串載之。庶幾祝之從尸而先主人。其義自明焉。特牲尸坐乃答主人拜。此既拜乃坐。敖氏所謂變于士也。尸不言。則亦

不脫屨可知。並載之。祝初從尸入。不言面。及主人入。尸卽位。則曰祝在左。西面拜妥之後。又云祝反南面。則始從尸入南面。及主人入將安尸。故轉而西面。既安復南面位。故謂之反也。凡擣必于醢。肝則擣于鹽。此席前止四豆。菹醢各二。尸取韭菹辯擣。則不過兩醢豆而止。經乃言擣于三豆。姑依經存之。主人羞所俎。升自阼階。置于膚北。則是親取之。阼階西而進之。無贊。以申其敬也。敖氏云。所俎亦橫設之。蓋凡俎皆橫。此加俎嫌

其或變也。故以明之。四五豆。載醢各二。注謂羊載在南。豕載在北。敖氏謂羊在西列之南。豕在東列之北。則西第一列載南醢。北第二列醢南載北。鄭注所謂縉也。尸受魚振祭。加于所橫之。蓋魚本縮載于俎。設之則橫。所謂進腴也。所俎橫載。設之則縮。恐魚亦縮置。特明之。特牲卒食。佐食盛所俎。釋三个。又反黍稷于其所。又尸既祭肝。賓降反俎于西塾。此經無文。圖亦從其畧云。

圖 人 主 爵 尸




次定儀禮
禮節圖四
少年饋食禮
五

禮記卷之六
禮記卷之六
禮記卷之六

經言主人拜受爵。尸答拜。主人西面奠爵又拜。敖氏云。主人受酢而俠拜。大夫禮異也。又云初拜固西面。又言之者。著受爵而反位也。蓋主人先拜于初入戶之位。乃進筵前受爵。遂還初位又拜。則俠拜皆在初位。惟受爵則進至筵前。要之皆西面也。今分別詳之。主人受酢不設薦俎及黍稷肺祭于地。尸執以命祝祝受東北面報主人二說並詳特性圖。于戶西執者博黍也命者嘏辭也祝受者合黍與嘏辭並受也下主人受黍當亦兼嘏辭言之今依經從其畧

云。主人受黍。敖氏謂少進受之復位。則主人當違其位。西南面鄉祝。迓受也。特牲。主人出寫齋于房。祝以籩受齋。此經第言出。不言房。其授受于室戶之外。所謂大夫禮異與。今依經文存之。

主人獻祝及二佐食圖




少年饋食禮 禮節圖四

禮節圖四 少年饋食禮

經言薦而不言其人據下篇主婦獻祝宰夫薦棗糗故敖氏謂此亦宰夫薦也以經無文闕之尸組有肩臂膊胛故前肩後胛脊脅在中之兩端而腸胃肺處其中象牲體也祝俎止有脊脅髀其體不備惟前脊後脅及髀腸胃處中以存牲體之意而已膚不在體解中例須另列故與魚腊為外一行進下橫載皆如正俎魚亦縮載進腴也祝祭俎而不言振祭濟之敖氏所謂省文也今亦從其畧焉改肝牢為牢肝則敖氏說也儀

禮室中北面拜皆在戶西此佐食拜受爵獨云牖東是敖氏所謂取節于牖見其少西于他人之北面拜者今移西近牖祝不拜既爵則佐食亦如之經乃言佐食卒爵拜故敖氏以拜為衍文今依經載拜字而存敖說以正之特牲獻祝佐食兩言主人受爵而不言授可知也此經獻佐食言授不言受獻祝則并不言授要知皆授亦皆受也補之特牲佐食薦在東堂俎在階間此佐食俎亦在階間則亦有薦在東堂可知又主人受

主婦獻尸及祝二佐食圖



下佐食爵亦應降奠于篋經文並省故亦畧之。

欽定儀禮通考卷四十八

三

禮節圖四 少牢饋食禮

案內篚無爵。及獻下佐食畢。乃以爵入房奠于內篚。內篚始有一爵。獻尸時尚無爵。故必贊者取于下篚以授之。經言有司贊者取爵于篚。篚在洗西。乃不因便而洗者。獻爵者必親致絜也。有司贊者授主婦贊者于房戶。而不言外內東西。則是授受于戶間外不入內不出也。主人獻尸不使拜。受酢使拜。初拜尸不答。又拜乃答之。主婦獻尸使拜。受酢不使拜。拜獻尸答拜。送尸不答。此其異者。今詳載之。以見禮之變云。 援祭而無俎

豆當亦祭于地也。有司贊者兩易爵。皆與婦贊者相授受。獨以爵出戶贊者乃親授受之。敖氏所謂變于初也。抑或有婦贊者轉相授受于其間。而經文偶未之及與闕之。

賓長獻尸及祝圖



祝

拜受爵
祭酒
呼酒
祝

几尸

祭酒
呼酒
祝

尸

祭酒
呼酒
祝

席

尸

酒瓶

尸

洗

禮記正義

卷第八

空

禮記正義


卷第八

禮節圖四

少牢饋食禮

三

祭畢出口圖



禮節圖四
少牢饋食禮

賓長洗爵獻尸。經不言酌。可知也。補之。特牲三獻止爵。此尸卒爵。則不止爵。以將賓尸也。特牲止爵。故必作止爵。然後受酢獻祝。此不止爵。故酢後即獻之。不獻佐食者。注謂將饋尸禮殺。敖云。祝不卒爵。故不及佐食。二說相備也。祝北面奠爵。亦敖氏說。此受酢亦俠拜。但主人初拜。尸不答。又拜乃答。此初拜尸答。又拜尸不答。為異耳。

金定傳禮義疏 卷第六 三

士虞禮記尸謬祝前鄉尸及出戶過主人降階及門皆如之。敖氏謂此亦宜然。補之。又敖氏據士冠禮請醴賓賓就次說謂此尸出廟門祝宜告以主人將有尸于門外次中俟之。其說是也。今特增次于廟門外。




儀典 六

養

能

能

圖




案 經第言上佐食盥升。不言三養。蓋省文耳。故注補之。

曰三養亦盥升。敖氏所謂據特牲禮舉奠及長兄弟盥而推之是也。今依注補之。室中尸只一席。經言設對席。則東西各一席。養者四人。二人共一席可知。特牲尸出惟徹庶羞。此止徹胾俎。其餘俱在席前。而圖僅載羊俎及敦鉶者。據見于經者言之也。四養東西而各二。主人西面拜。則雖與東面者相鄉。其如西面者何。故或疑其拜西面者。當轉而東面也。但此本餽神之餘。則

禮節圖四 少牢饋食禮

當以神位為主。敖氏謂西面三拜者。明其不為二人西面而易位拜之。其說是也。從之。上養與出主人送乃退。敖氏云。出。出戶也。送。送于戶外也。退。謂上養返于賓位也。蓋禮畢。惟尸出門俟于次。賓皆待事而未出。佐食賓長皆執事者。獨出門何為。故依敖氏說載之。

有司徹




經言攝酒而不言設尊。則仍故尊也。又言燔尸俎。則仍燔于雍爨也。今補雍爨于門外諸俎無腊而有膚。經云無腊與膚者。蓋此不用腊。膚則附于豕鼎。故無膚腊。二鼎陳。三鼎言如初。則亦如正祭時。初陳于鑊西。卒升乃加扁。鼎陳于門外東方北面上。正祭有尸俎。有主人主婦俎。此又應增侑俎。經第言燔尸俎者。據下尸侑主人婦俎。以次而升。則其俎亦燔。言尸者。統于尊也。祝佐食。亦有俎。不燔及升者。以不與賓禮。設于階下之位而已。畧之。

宗人戒侑。注以為南面。疏謂據下衆賓位在門東北面而言。從之。侑出俟于廟門外面。鄉未闔。據下尸侑北面于廟門外西上。敖氏謂在門外之西。則侑亦當俟于門西北面也。儀禮大槩主席皆在東階上。介席皆在西階上。與序遠。此經主席言東序。侑席言西序。而無階上之文。則不統于階而統于序。蓋入堂。圖侑席特依經載之西序下。主人迎尸侑拜。登堂拜及答。敖氏謂皆再拜。蓋尊尸有加禮。其說是也。今依經

禮節圖四 有司徹

載于圖。而存其說以明之。賓入門，禮必三揖。及階，又三讓乃升。敖氏所謂入門左右少進揖，三分庭一在南一在北各一揖，是也。說詳士冠禮。經第言揖讓，文省耳。補之尸升三等，侑從之中等。敖氏說也。

舉鼎設組圖



大司馬司馬

大司馬

禮節圖四

有司徹

五

舉鼎不盥賓尸禮畧也。儀禮之例，舉鼎左右各一人。經言司馬舉羊鼎，司士舉豕鼎，舉魚鼎。蓋兩司馬四司士也。據下司馬七羊亦司馬載，司士七豕亦司士載，其義可知矣。陳鼎如正祭所謂陳鼎于東方，當序南于洗西，皆西面東上。俎亦西肆也。吉禮七者在右，載者在左。士虞禮詳之，三鼎三七，七羊豕魚者也。四俎尸侑主人主婦之羊俎也。羊俎不並設于羊鼎之西，而分屬之豕與魚鼎者，賈疏所謂欲使三鼎之前皆有俎也。其載之則當各從其鼎矣。此羊俎四皆正俎，外尸俎有羊七清羊肉清豕七清豕胄清凡五，侑俎則豕胄清魚凡二。主人俎如尸，總十有二俎。是皆疏所謂益送往來者。且俟時而載，故不具列云。又三七四俎皆言從雍人二俎不言從，亦從可知。二疏七言執者，則亦雍人并執之也。





案經盥洗辭對及授受之文甚畧。據敖氏謂當如鄉飲酒禮是也。今于尸東北面辭洗。主人奠爵西南面對。及主人筵前西北面獻爵。尸東南面受爵諸節。並依彼經補之。主婦四豆。曰韭菹醢。曰昌菹醢。注以朝事之豆言之。朝事之豆。則韭菹醢。昌菹麋藟也。藟蓋醢類。故經亦謂之醢。今依注改醢醢麋藟云。麴蕢在豆西。當外列。外列為昌菹麋藟。則在麋藟之西也。白黑又為邊之外列。則東當俎矣。上正祭牲體橫載于俎。此經復

序俎實。敖氏謂其載與進俎之法皆異于上。則皆縮載如常俎也。從之。臠前體。肫胙後體。是臠貴肫胙賤也。正祭曰臠臠胙。則臠當在胙前。此經退臠在胙下。注謂折分以爲肉清俎。折則置之胙下宜也。故加折字以明之。羊肉清俎同。經言席末坐啐酒坐奠爵拜告旨。則啐在席上之末。拜告旨則降席也。加俎羊俎在席前。其七清肉清及燔三俎。進後卽以俎退。故席前止一羊俎也。主婦所設豆。皆出自東房。則主婦及婦贊者

當有出入往返之節。賓長設羊俎。次賓設七俎。司馬設清俎。皆取自阼階東。則當有升降之節。至次賓羞羊燔。則取之內塾。升進之既羞乃降。反俎于西塾。其節見于士虞禮者甚詳。今僅卽其見于經者存之。餘不多及。

圖 几 口 投



禮記卷之四

禮記卷之四

禮記卷之四

禮記卷之四


禮記卷之四

禮記卷之四

禮記卷之四

授几及受。面位無文。敖氏謂几自東壁來。則當在阼階東。宰西面授。主人南面受。說詳燕禮經不言宰拂几。闕之。主人授几言筵前而不言面。敖氏謂聘禮東西迓受。則主人西面。尸東面。既受乃北面奠之。尸兩復位。一自從降返。一自受几返。其拜則答主人拜送也。特詳哉之。

主人獻侑圖



大司馬禮義疏

卷五


禮節圖四

有司徹

三

案主人獻侑。面向未詳。敖謂主人席前西南面。是鄉飲酒獻介之禮也。敖蓋據此經獻侑。侑與主人同階。而主人在右與彼獻介禮同。故于獻時亦以為西南面。其說是也。由此推之。則侑亦北面受爵如介矣。惟侑西楹西北面。主人在其右。與尸位皆統于楹與西階上為不同耳。侑不啐酒。敖氏謂尸啐酒乃啐酒。此無滴則不啐。故亦不啐也。


尸 酢 主 人 圖



大司馬長豐長抗 卷四 禮節圖四 有司徹

案尸受侑爵以酢。與正祭禮同。其親洗及酌。則禮之異者。尸降洗則亦降席矣。以經無文。闕之。降洗及酌。其辭與對面位未詳。敖氏謂尸適洗南北面。主人阼階。南面辭洗。尸對。主人復阼階東西面。又云尸席前東面。面獻主人。皆準鄉飲酒禮言之。其說可從。卒洗卒酌。凡主人皆當如鄉飲酒禮。有損升之節。補之。次賓羞。燔不古羊。可知。今依經畧之。

主婦亞獻尸圖




禮節圖四 有司徹

經言司宮取爵授婦贊者于房東。以授主婦。蓋房戶外之東也。授主婦者。蓋婦贊者受爵以授之也。今補婦贊者受爵以明之。上篇主婦亞獻。內篚無爵。故有司贊者取爵于下篚。及獻佐食畢。受爵入房奠于篚。則內篚有爵矣。此司宮仍取爵于下。故敖氏疑有司徹時。又反于下篚也。闕之。禮重迂受。此主婦西面拜獻。尸拜于筵上受。則南面受矣。抑或轉東面迂受之。與。又受爵皆立。上篇祝拜坐受爵。則坐受也。此尸受時不言坐。及薦後乃云坐執爵。故敖氏謂受爵特立也。又羞俎前云如羊肉清之禮。敖氏謂如者。如其左手執俎。左廉以下之儀。其異者。次賓自縮執七俎。雍人不復授之。又次賓司士羞俎。俱應有升降之節。以經無文。並闕之。

薦後乃云坐執爵。故敖氏謂受爵特立也。又羞俎前云如羊肉清之禮。敖氏謂如者。如其左手執俎。左廉以下之儀。其異者。次賓自縮執七俎。雍人不復授之。又次賓司士羞俎。俱應有升降之節。以經無文。並闕之。

次定義禮疏 卷四 禮節圖四 有司徹

圖 備 厭 婦 王



大正...

...

禮節圖四

有司徹

三

...

...


洗

宿祖孫

執以降

經第言拜受爵。敖氏謂亦拜于筵上受。不敢異于尸。主婦羞糗脩。經雖不言房可知也。上主婦設筵皆。有贊。此奠糗當亦如之。又上皆有劔。有清。及祭酒之節。此俱無文。或有疑其省者。敖氏謂無劔者禮殺。上尸祭。劔乃祭酒。此無劔則不祭酒。蓋與上主人獻侑同。又謂。初主人獻侑無羊清。此雖有豕脰。亦不用清。故並畧之。

注婦致爵于主人圖




禮節圖
有司徹

特牲禮。主婦致爵。取爵內篚。洗酌乃致。此受侑爵。但
 言酌不言洗。蓋省文耳。又主婦設二銅二籩。亦應取之。
 房中。有贊。又肝燔俱當祭且齊。今並依經闕之。 敖氏
 謂主人筵上受。因尸禮也。主婦北面答拜。放室中之儀
 也。與主人行禮。故亦得獨拜于阼階上。致爵亦筵南北
 面者。準上亞獻。主婦在筵左西面。彼席南鄉。此席西鄉。
 則南為左也。二銅二籩。經第言如尸禮而未詳其所。敖
 氏謂二銅羊在蒞北。豕在羊北。二籩糗在禮北。脩在贊

北蓋亦準之。尸席之設也。從之。 經言拜啐酒。疏謂
 酒之上無拜字。有者衍字。故從刪。

尸 酢 主 婦 圖

六三長豐長五
有司
禮節圖四
有司徹
六




六三長豐長五
有司
禮節圖四
有司徹
六

尸受爵面位未詳。據主婦在主人筵南受爵。應轉西
 行。尸降筵受爵東鄉。當東西迓受于楹間也。尸不辭
 降。禮殺也。主人不辭洗。以其為主婦洗。故與婦人不降
 堂。故昏禮舅降洗。婦辟于房。此尸降婦入房亦此義也。
 但儀禮凡盥洗從降者。主人在階。階東西面。賓在西階
 西東面。此獨云主人洗東北。倚西階西南。與諸禮不同。
 故敖氏疑其誤也。闕之。主人卒洗。揖尸。俯升。則尸倚
 亦當揖也。以經無文。故從其畧。主婦西面受爵。經不

言尸。敖氏謂尸就主婦西面位。酢之。則尸當東面。以便
 迎受也。


圖·尸獻三賓上



洗

禮節圖四
有司徹

禮節圖四
有司徹




禮節圖四
有司啟

尸拜受。敖氏謂亦拜于筵上。蓋準上文而言。從之。
 尸奠爵。蓋卽特牲禮三獻止爵之意。至下主人獻私人
 後。尸乃自作之也。但據鄉飲酒記云。凡奠者于左。將舉
 于右。此將舉之爵。乃不奠于右而奠于左。故或有疑定
 爲右字之訛者。據敖氏云。不奠于右。爲妨往來及行禮
 也。于理或然。今依經載之。

鄉飲酒禮。主人酬賓取爵于上篚。此堂上無篚。則適洗取爵乃洗也。又彼主人降洗。賓從降。主人即于階前奠爵辭降。此云奠爵于筭。辭則至洗南乃辭也。時尸在階前。則主人當西北面辭。尸東南面對。至辭洗。則尸亦少進東北面當洗之西南。主人對。則西南面。並如鄉飲酒矣。初卒洗。言主人揖升而不言。尸又卒洗。主人及尸皆不言揖。要之皆揖也。又敖氏謂尸階上拜乃進受之。而反位。主人既答拜。尸乃進北面奠爵薦左。其說是也。今第即經所見者存之。餘可推類而得焉。儀禮之例。凡酬爵皆酬者自奠于薦右。受酬者重奠于薦東。而無授受之節。此經言受爵。敖氏所謂大夫禮異也。但尸受爵未詳其所。敖氏謂主人北面于席前。則亦與鄉飲酒酬賓等耳。尸受爵亦當南面迓受也。敖氏以上薦左為醢東。此左為昌本。蓋二豆俱所謂薦也。若然。則豆與爵間設矣。從之。

乃蓋尸于主人主婦圖



禮記卷之六

卷之六

禮節圖四

有司敬


三

禮記卷之六

三

宰夫羞房中之羞。則私人也。故掌內羞。教氏謂司士亦私人。乃掌庶羞于外。則私人中又有別矣。庶羞。載醢之類。據內則。下大夫十六豆。上大夫二十四豆。不勝其也。房中之羞。注謂其饗則糗餌粉飧。其豆則飴食。蓋據周禮。饗人醢人言。特此四物而已。今依經畧之。據上篇。載醢在左。故此經庶羞亦在左。左者醢左也。此經糗脩在右。故此內羞亦在右。右者饗右也。

人




鄉飲酒禮。主人獻介則賓降。獻眾賓則賓介皆降。此
 主人降尸。有不降尊也。燕禮士位西方。既獻乃卽位于
 東。此賓及眾賓皆在門東。既獻乃卽位于西。惟特牲賓
 有定位。則大夫儀多異于士。而燕爲君禮。又異于大夫。
 要之西方固賓之正位也。上賓一人。眾賓不一。不勝載
 也。今以一眾賓槩之。長賓在眾賓中。以三拜旅之。如
 鄉飲酒眾賓禮。不別之者。蓋此以尸爲重。侑次之。則尸
 侑視賓介。長賓亦視眾賓矣。其辭洗面鄉。未詳。教氏以

禮節圖四 有司徹



爲北面蓋由門東北面位少進也。宗人兩升長賓亦教氏說。切賓在門東則宗人當阼階前南面。後在西方則當西階前西面也。宰夫贊主人酌則自主人親酌獻賓及自酢之外皆宰夫酌以授主人也。又教氏據經言衆賓薦俎設于其位謂女獻設之二者其節過繁依經文畧之。


主人酬賓圖



西
有司依
左
右


特牲兩階東西各兩尊故主人酬賓親酌無贊此宰夫洗觶升授者蓋亦上經贊酌之意大夫禮異也 主人在堂手有酢爵必以觶升者酬不用爵也主人受觶酌則宰夫以爵降奠于下篚矣以經無明文姑從其畧主人升酌復位注不加註敖氏謂此時當西面乃云復位未詳以上下經文準之賓主本北面並立拜亦如之下賓拜受主人拜送後乃云賓西面奠爵則授受皆在拜位東西相迓然賓必拜而後受則自當復于拜位不必執觶西面鄉賓本位也 上三獻奠爵蓋暫奠而卽作此酬賓之奠下旅酬舉之乃俱奠于薦左豈果加敖氏恐妨往來之說與姑依經載之

注人微兄




楊氏本。獻兄弟爲一。圖獻內賓及私人爲一。圖今。禮節無多。故合三者爲一。特牲獻長兄弟如賓禮。獻衆兄弟如衆賓禮。則猶別其長也。此經但言獻兄弟而不殊其長。薦俎並設于其位。敖氏所謂大夫禮異也。又據此經言先生之胥折脅一。膚一。則長與衆又未嘗無少別。今特分先生及衆兄弟爲二位以明之。上獻衆賓。宰夫贊酌。此獻衆兄弟當亦如之。注謂宰夫不贊。敖氏謂此不言宰夫贊酌。上獻衆賓。不言升受爵而設薦。

禮節圖四 有司儀



齊其禮同。故互文以相足。二說不同。今從敖說補宰夫。
敖氏每獻薦諸其位。說見特牲。特牲獻內兄弟主人西面答拜。敖氏謂西北面獻之。又彼記尊兩壺于房西墻下。內賓立于其北。東面南上。宗婦北堂東面北上。賈疏云。受爵亦南面拜。此注不分南北位。經又言主人東面拜于其位。敖氏又謂獻之蓋東北面。則內賓當西南迓受也。又敖氏云。獻內兄弟主婦席東。鄭注引特牲記云。內賓立于房中西墻下。東面南上。宗婦北堂東面北上。其說皆合。從之。

獻私人降洗。敖氏所謂重獻禮也。階上之面位無文。敖氏請獻亦西南面于東楹東。而拜于其右。則亦與眾賓同也。私人位在門東北面。則亦在眾賓中。既獻則易位兄弟之南。



及

獻

酢

圖

三獻執爵以升




案 特牲三獻作止爵。此尸自作之。敖氏謂三獻于西階上。立于西階上。尸乃舉爵。不待獻者作之。亦異于士。若然。則三獻本以作止爵升。尸既自作。則當待事于西階上。北面。以下有答拜受爵及獻侑受酢諸節。故也。補之。敖氏云。不言左執爵與興坐。如上禮可知。上謂獻尸之節也。由此推之。則尸亦拜于席。儀禮凡卒爵。即言奠爵拜。此卒爵下。乃閒以司士奠俎載俎及執俎以降之文。然後言奠爵拜。敖氏所謂尸執虛爵待執俎者。降而

禮節圖 有司徹

後拜也。據上司馬載羊俎。亦司馬設之。清俎亦然。餘俎皆司士。此經乃言司馬。故敖氏謂司馬當作司士。其說是也。今圖依經作司馬而存。是說正之。致主人爵而不致主婦。蓋主人不致故也。拜于東楹之東。則敖氏所謂辟尸耳。特牲三獻作止爵。尸卒爵即酢賓。此俟賓獻侑及致爵主人而後酢者。上初獻亞獻酢皆在獻侑之後。此亦然也。尸在其右。敖氏云並授也。並授而不同面拜。遠辟主人。其說是也。酢畢則尸復位矣。今依經畧


之。



禮記卷之八

卷之八

案 特牲無舉觶之節。以正祭尸尊不與旅酬。此賓尸。故以鄉飲酒賓禮行之。至無算爵始不與也。尸薦東本一爵一觶。爵則三獻所奠。觶則主人酬尸所奠也。三獻之爵土既作之後。已實于下篚。則席上尚有奠觶。此復使二人舉觶為旅酬始者。以酬酒不舉也。二人無堂上位。經言反位。蓋即西楹西北面東上之立位也。鄉飲酒舉觶者奠觶。此言受爵及侑奠亦禮之變。侑東面右在南。敖氏所謂糗南也。尸遂執觶以興。敖氏謂鄉者亦



禮記卷之八

卷之八



禮記圖四 有司徹

七

執觶以坐而俟是已。要之尸侑拜受爵。無與坐之文。至此始言興。則皆拜于席上坐受之也。經言尸北面于阼階上。主人在右。蓋並立于階上。與鄉飲酒賓酬主人之禮同。是注所謂禮殺也。經言北面。敖氏謂尸東面授之。如特牲賓兄弟旅酬之儀者。北面者拜位亦立位。其授受則尸東面。主人西面。以主人在尸之東也。由此推之。則西階上旅酬。酬者在東。受酬者在西。凡授者皆西面。受酬者皆東面也。今並依經文畧之。主人復筵升。

長賓以長賓位在堂下。注謂替升長賓。依敖氏作宗人為是。私人相酬。言卒飲者實爵。則卒飲者亦私人也。私人位門東北面。注謂末受酬者。雖無所旅。猶飲。則卒飲者亦飲。而後實爵也。亦北面飲者。如堂上之禮。

禮節圖四 有司徹




禮節圖四 有司徹

卷六

九

敖氏謂此後生舉觶與主人酬賓之儀畧同似有為主人酬長兄弟之意則此所謂長即特牲禮所謂長兄弟此所謂後生即特牲禮所謂兄弟弟子也特牲云兄弟弟子舉觶于其長如主人酬賓儀又尸侑及賓俱有獻有酬而兄弟獨無酬則以後生補酬禮所不及于理為合後生北面長在其左則並立于階南奠爵之拜且答皆北面也下等受于其位則西面故舉爵者亦東面答之經云爵止不言奠爵之所敖氏以為薦左蓋亦

準主人酬賓之節也從之



金定傳記

卷四

三

